


1623\_713.jpg



*Histoire de nostre temps.* 713  
Catholiques Anglois avec le Predica-  
teur escrazez, & morts en ceste cheute  
de planchers, & vne grande quantité de  
griefuement blesez; les vns à la teste, &  
au corps, & d'autres ayans ou les jambes,  
ou les bras rompus : Ce fut vn acte  
lamentable: Le menu peuple de Lon-  
dres fit mille insolences contre les na-  
vrez, que l'on emportoit hors du logis  
de l'Ambassadeur : tellement qu'il fut  
contraint de faire enterrer les morts dās  
sa cour : Dequoy les Ambassadeurs des  
Roys & Potentats Catholiques residents  
en ceste Cour là, rendirent tesmoignage  
par tout où ils escriuirent de cest acci-  
dent, que l'Ambassadeur de France y  
auoit montré sa constance, & faict pa-  
roistre sa pieté.


Les Relations Espagnoles portent, que  
Don Carlos Coloma l'un des Ambassa-  
deurs extrarordinaires d'Espagne, fit fai-  
re les obseques des morts en sa Chappel-  
le, où assisterent les autres Ambassadeurs  
extraordinaires, sçauoir le Marquis de  
Hinojosa, D. Diego de Mendocça, &  
Don Diego Messia.

Le iour saincte Catherine vingt-cin-  
quiesme Nouembre, sur le midy, la Roy-  
ne Catholique accoucha d'une fille: leurs

Naissance  
de l'Infante  
Marguerite  
Marie Ca.




1623\_714.jpg





1623\_715.jpg




*Histoire de nostre temps.* 715  
jor, les Euesques de Segovie & de Guadix, & l'Esleu à l'Euesché de Zamora, qui Nunce de sa Saincteté, s'estans aussi rendus en ladite Eglise, apres leurs prieres faictes, se vestirent de Chappes & mitres blanches, & puis s'assirent tous avec ledit Nunce de sa Saincteté au milieu d'eux, sur vn des bancs qui estoit entre ledit liêt & lesdits fonds de Baptesme, & ce apres auoir faict la benediction des fonds.

Tous les Conseils, selon leur antiquité, furent premierement au Palais Royal, & du Palais furent prendre leurs places ordinaires en l'Eglise sainct Iean, pour assister au Baptesme.

Sur les trois heures, l'ordre du Baptesme commença à sortir du Palais & à marcher. Seize Pages de sa Maiesté alloient deuant : douze Gentils-hommes de la bouche : cinquante Titulez & Cheualiers des trois Ordres militaires: quatre Huiffiers Massiers avec leurs massés d'or : les quatre Roys d'armes avec leurs cottes d'armes aux armoiries des Royaumes d'où ils estoient Roys d'armes: douze Maistres d'Hostel avec leurs bastons : les Gentils-hommes de la Chambre : les Grands qui portoit les hon-



1623\_716.jpg



716 M. DC. XXIII.  
neurs du Baptesme, sçauoir, D. Edouard  
de Alencastro fils du Duc de Bragance,  
Prince du sang Royal de Portugal, le  
Connestable de Castille: l'Admirant de  
Castille: le Marquis de Villena, le Duc  
dro de Tolledo, le Duc de Sessa, le Duc  
de Medina Celi, le Duc de Yxar, le Duc  
de Veragas, le Comte de Monterrey, le  
Marquis de Mondejar.

Les Ambassadeurs de l'Empereur, du  
Roy tres- Chrestien, & de la Seigneurie  
de Venise.

Le Cardinal Infant Ferdinand, & le  
Cardinal Zapata.

Les Infant Carlos, & l'Infante D. Marie,  
à laquelle la Cōtesse de Lemos sa premie-  
re Dame de Chambre portoit la queuë:  
A costé estoit le Comte de Beneuente,  
Grand Chambellan de leurs Maiestez.

Le Comte d'Oliuares portoit sur ses  
bras la Princesse.


La Comtesse d'Oliuares, huit Dames  
d'honneur, seize Dames de la Roynne &  
& de l'Infante, à toutes lesquelles des  
moindres Dames & Damoiselles por-  
toient les queuës de leurs robbes.

En cest ordre ce Baptesme passa en-  
tre les gardes Espagnole & Allemande,  
rangees des deux costez, depuis le Palais

iusque  
Le  
qui l'a  
& la M  
respon  
te de  
les in  
que la  
Pseau  
tinua  
Ar  
liet &  
exorc  
Bapte  
Princ  
tre, où  
moisy  
ches l  
& pui  
qui la  
fant C  
droict  
ayant  
mee, le  
rie Ca  
Saint  
uoit v  
les Gr  
du Bag



1623\_717.jpg



*Histoire de nostre temps.*  
iusques à saint Iean.


717

Le Nunce officiant, & les Prelats qui l'assistoient, sçachant que le Parrin & la Marrine, avec le Comte d'Oliuare portant la Princesse, estoient à la porte de l'Eglise, furent les recevoir pour les introduire en icelle, cependant que la Chappelle du Roy chantoit des Pseaumes & des Motets; ce qu'elle continua iusques à la fin du Baptesme.

Arriuez tous en la Chappelle entre le liêt & les fonds, le Nunce ayant fait les exorcismes & ceremonies ordinaires du Baptesme, le Comte d'Oliuares porta la Princesse envne autre Chappelle tout cõtre, où estoit vn riche liêt de drap d'or cramoisy, là où elle fut desveloppee de ses riches langes par la Comtesse d'Oliuares, & puis reportee au fonds par le Comte qui la tenoit par le milieu du corps, l'Infant Charles Parrin luy tenant le bras droict, & l'Infante le gauche. Le Nunce ayant requis qu'elle fust derechef nommee, le Parrin la nomma Marguerite Marie Catherine, avec cinq autres noms de Saints, ausquels la Royne sa mere l'auoit vouëe pendant sa grossesse. Ce fait, les Grands qui portoient les honneurs du Baptesme, sçauoir le cierge, la saliere,



1623\_718.jpg



718 M. DC. XXIII.

& le cremeau, les presenterent au Nunce, qui les leur rendit apres le Baptesme & les ceremonies des fonds acheuez.

La Princeesse remise en ses langes, fut portee encor par le Comte d'Oliuares au Maistre Autel, où le Nunce ayant dit sur elle l'Euangile saint Iean, on retourna au mesme ordre au Palais que l'on estoit venu à l'Eglise.

Le Roy voulut que le Nunce eust toute la vaisselle d'argent qui auoit seruy audit Baptesme: & de plus, le nomma à vn Euesché de Sicile de vingt mille ducats de rente.


Mais ceste Princeesse qui estoit le contentement de leurs Maiestez Catholiques, fut retiree de ce monde vn mois apres son Baptesme, ce qui ne se passa point sans des regrets qui ne se peuuent escrire.

De la premiere Audiance que sa Saincteté donna au Duc de Pastrane Ambassadeur extraordinaire d'Espagne.

Lesdites Relations ou Cartes Espagnoles portent aussi, Que le Duc de Pastrane Ambassadeur extraordinaire d'Espagne à Rome, en la premiere Audiance qu'il eut de sa Saincteté, fut receu avec tous les honneurs & courtoisies qui se peuuent dire, & s'en retourna tres content des demandes qu'il luy auoit faiçtes: Toutesfois les Gazettes d'Ita-



1623\_719.jpg



*Histoire de nostre temps.* 719  
lie les contrarient, & disent, Que ledit  
Duc allant à l'Audiance, le premier me-  
morial dont il parla au Pape, fut pour  
auoir la Confirmation d'un Bref, que le  
Pape Gregoire X V. auoit concedé au  
Roy d'Espagne, où il luy auoit donné à  
pur & à plain de disposer des Benefices  
de Sicile : ce que sa Saincteté ayant en-  
tendu, apres plusieurs discours luy dist,  
Qu'elle ne luy pouuoit donner ladite  
Confirmation, & demanda audit Duc,  
*V. Excell. vuole altro*, à quoy ledit Duc luy  
auoit respondu, *Non posso parlare degli al-  
tri, poiche V. S. m'ha negata la prima gratia.*

Tous les Potentats d'Italie enuoye-  
rent les premiers rendre l'obediance au  
Pape à sa nouvelle esleuation au Pontifi-  
cat. Le Comte Guy de saint George,  
Ambassadeur extraordinaire du Duc de  
Sauoye, fut baiser les pieds de sa Saincte-  
té le 25. d'Octobre.

Les Potentats d'Italie enuoyent les premiers rendre l'obediance au Pape.


Le grand Duc de Toscane, pour ren-  
dre ladite obediance, & faire les compli-  
ments, deputa le Seigneur Paul Corse.

Le Duc de Modene enuoya le Mar-  
quis Rondinelli la faire.

Contarini nouveau Ambassadeur à  
Rome pour les Venitiens, fut baiser les  
pieds à sa Saincteté, luy presenta ses let-



1623\_720.jpg



720 M. DC. XXIII.  
tres de creance, & eut Audiance le premier  
mier Dimanche du mois de Nouembre.  
Et le Grand Maistre de Malte enuoye  
le Prieur de Nauarre, pour rendre ladite  
obediance.

Le Pape  
va prendre  
possession  
de S. Iean  
de Latran.

Plusieurs autres Ducs & Princes Ita-  
liens, Feudataires du saint Siege, furent  
aussi à Rome baiser les pieds de sa Saint-  
eté, lesquels il retint pour l'accompa-  
gner en sa prise de possession de saint  
Iean de Latran, qui se fit avec beaucoup  
de magnificence le seiziesme de No-  
uembre.

Le Pape fait  
Cardinaux  
son neveu  
François &  
le fils du  
Prince Do-  
ria.


Le lendemain de ceste prise de posses-  
sion, sa Sainteté donna le chapeau de  
Cardinal au fils du Prince Doria, & le  
fit Cardinal.

Voyez cy-  
dessus au  
Ceremonial  
ce que s'est  
de la Cere-  
monie faite  
de fermer la  
bouche à vn  
Cardinal.

Peu de iours apres son eslection, il auoit  
donné son chapeau de Cardinal à son  
neveu François, Abbé du saint Esprit  
d'Ochre, maintenant appelé le Card-  
inal Barbarino, qu'il fit Prefect de la signa-  
ture, & du Conseil de la Propagation de  
la Foy : Au Consistoire qui fut tenu le  
dernier Lundy du mois d'Octobre, le  
Pape l'y fit entrer & les Cardinaux Cle-  
sel & la Vallette aussi, & ce apres que  
tous trois se furent presentez à la cere-  
monie, *Di ferrar la bocca.*



1623\_721.jpg



*Histoire de nostre temps.*

721

Le Cardinal Aldobrandin ayant remis entre les mains du Pape sa legation de Ferrare, & celuy des Vrsins celle de la Romagne, sa Saincteté resolut de n'enuoyer plus aux Prouinces dependantes du saint Siege que des Prelats, qui y resideroient, & gouverneroient durant le temps de leur residence: ce qu'elle a fait.

Les Bannits en ceste annee ayans fait beaucoup de maux en diuers lieux de l'Italie, on en donnoit le blasme aux Magistrats des villes: le Pape qui ne desire que la tranquillité aux terres de l'Eglise enuoya vn Fiscal des Bannits à Bologne, c'est à dire, vn Magistrat pour mettre au fisc le bien des bannis pour crime: Cela ne se passa point du commencement sans vne tres-grande plainte des Bolonois, qui disoient ce Magistrat nouveau estre vne bresche à leurs Privileges; Mais sa Saincteté qui se roidit à ce qu'elle entreprend de iustice, leur a recommandé l'obeyssance: le succéz de cest affaire depend de l'aduénir.

La riuiera d'Arne qui arrouse la Toscane, & qui embellit du courant de ses eaux Florence & Pise, a desbordé tellement sur la fin de ceste annee, que toutes les

L'Italie affligée des Bannis.

Le Pape enuoye vn Official des Bannis à Bologne.


L'Arne desbordée.

Zi

Tom. 9.



1623\_656\_1.jpg





**Image issue du site [mercurefrancois.ehess.fr](http://mercurefrancois.ehess.fr) - Cliché (c) Cécile Soudan**